



## **Historia De Sanctissima Crvce Caravacensi**

**Robles, Juan de**

**Augustae Vind., 1619**

VIII. Interpretatio characterum Gothicorum & contractionum Arabicarum,  
quæ in sacello S. Crvcis Carauacæ inueniuntur.

---


[urn:nbn:de:hbz:466:1-64232](#)

## CAPUT VIII.

## INTERPRETATIO CHARACTERVM

*Gothicorum, & notarum Arabicarum, que in facello S.**CRVCIS Caranaca inueniuntur.*

Multum valere viri etiam doctissimi censem, ad sincerè iudicandum statuendumque de rebus antiquis, auctoritatem imaginum, characterum, notarum hieroglyphicarum & contractionum, quas pictas, sculptas, scriptasue reliquerunt maiores nostri in muris, lapidibus vel tabulis, qui licet longiore scriptione, & laboriosa singularum litterarum expressione non delectarentur, sicut homines nostro aeuo; hoc tamen compendio usi rerum olim gestarum memoriam ad posteros transmiserunt, ita quidem abunde, ut de veritate saltem nullus merito possit dubitare. Huiusmodi vocum contractions siue characteres praeter alia testimonia reperimus in ipso S. CRVCIS facello, quorum quadraginta & unus cælati visuntur in ambitu rotundæ cuiusdam fenestræ, siue parietis concavo, qui est è regione altaris, cui CRVX includitur. Eorum formam & figuram hic circulus exhibet.



Mis-

Misimus præteritis annis Valentiam, in Aragoniam, Lusitaniam, Salmanticam, & ad alias Hispaniae partes, imò etiam in Africam ad viros linguarum peritissimos, vt hos characteres interpretarentur, nullus tamen, qui perfectè sensum assequeretur, repertus est, donec Deo manifestante thesauros suos, quos in monte sancto Granateni absconditos hactenus custodierat, eō proficeretur accessitus, vt laminarum inscriptiones, & libros ibidem repertos explicaret Michael de Luna Medicinæ Licentiatus, idiomatum variorum callentissimus, qui binis ad me datis, (prioribus quidem xxix. Septemb. anni M D C I I I. posterioribus autem v I I I. Martij, anno M D C I V.) ait hos esse characteres Gothicos, & hanc continere sententiam: Anno quingentesimo nonagesimo quarto Arabum, tempore Mahomat: Abuzeit rex potentissimus, & triginta homines in hoc habitaculo conuersi fuerunt ad veram legem Saluatoris, & hoc Dei gratia C R V C E duplicata mediante, quam Angeli Dei attulerunt, & alijs multi eos concomitantes, & adiuuantes ad celebrationem, ad quorum memoriam hæ litteræ fuerunt cælatæ. Hæc ad me prædictus Licentiatus Michael de Luna, cuius utrumque autographum constitui reponere in Archivo Ecclesiæ huius S. C R V C I S.

Sed obijciet fortasse nonnemo, qui fieri possit, vt tam paucis characteribus tot verba & sententiæ comprehendantur. Facilis est ratio persuadendi, si intueamur exempla similia, & apud nos consueta. An non quattuor hæ litteræ. I. N. R. I. in titulo C R V C I Dominicæ affixo significant I E S V S N A Z A R E N V S REX I V D Æ O R V M? an non & hæ totidem litteræ S. P. Q. R. in labaris pomparum triumphalium & vexillis militaribus pingi quondam solitæ, totidem verba reddunt: S E ' N A T V S P O P V L V S Q V E R O M A N V S? Cur non sub istis quoque characteribus velut notis hieroglyphicis plus lateat quam vulgaris legendi ratio præsefert? Quid? quod etiam hodie Chinenses ex uno quandoque charactere totam sententiam eliciunt, vt testatur P. Iosephus Acosta Soc. Iesv in sua de Indijs orientalibus historia lib. 6. c. 5. Idem iudicium esto de alijs quam plurimis populis & gentibus, quibus huiusmodi notarum usus non incognitus.

In pariete ad latus altaris, ubi legitur Euangelium, depictus  
est rex

**e**st rex quidam equo sublimis, cærulea quadam chlamyde indutus  
pretij, ut apparet, ingentis, qua eadem amictus cernitur in pluri-  
bus eiusdem sacelli partibus, multumque in omnibus confor-  
mem & per omnia similem, licet diuersum alicubi situm obtine-  
at, ostentat, quod argumentum est ipsum adstitisse pictoribus  
præsentem quando effingebatur. Imaginem circumstant plures  
alijs depicti, qui sacerdotem quandam vincitum tenent. In regiæ  
vestis fimbria pulchrè admodum expressi conspiciuntur hi vi-  
ginti nouem characteres.

## UNVLEOPHIE ESVM SELONEXH NSHEM.

Quorum sensus ille est, eodem interprete Licentiato Luna.  
In memoriam meæ conuersionis, & ad gloriam DEI, regiam  
hanc vestem ei obtuli ut illa utar in die S. CRVCIS, solemnitatis  
eius causâ.

Ex quo conjectura dicitur regem hanc vestem adeò magni  
æstimâsse, ut raro induerit nisi vel in natali suo, vel celebriore  
aliqua pompa, cum in publicum ei pro maiestate prodeundum,  
& quò redderetur honoratior, in pretioque maiore in posterum  
haberetur ad gloriam S. CRVCIS solum gestasse. Sella equi, cui  
rex insidet, à parte anteriore his, ornamenti loco, quattuorde-  
cim characteribus decoratur.

## ONRONBZOLYIM.

Quorum ista significatio: In hoc equo exaltaui legem Dei,  
cuius hostes saepius in pugna deuici.

D 3


Quorum

Quod autem pro religionis Christianæ defensione arma sumpserit, satis superque compertum est. Historiæ enim Castellanæ & Aragonicæ referunt eum iuisse comitem regi Ferdinandi Sancto, cum oppugnauit expugnatamque cepit Hispalim, & regi Iacobo, cum Valentiam occupauit.

In altero muro qui est ad dextram, siue locum Epistolæ, depictus cernitur sacerdos Christianus quasi disputans cum rege, regisque adiutoribus Mahometanis; qui sacerdos deinde coram rege assidente orsurus sacrum Missæ officium subsistit, Angelis deferentibus CRUCEM, cuius effigiem, magnitudinem & mensuram iusta Symmetria hic libuit repræsentare.



Huius



Huius figuræ potest hæc non improbabilis causa reddi, quod Angeli ex ligno CRVCIS, in qua CHRISTVS pro salute mundi oppetiit mortem, eidem similem voluerint efformare: quæ Dominica CRVX, ut S. Cyprianus contra Quirinum c. 22. S. Hieronymus in c. 9. Ezechielis, Tertullianus lib. 4. contra Marcionem pari consensu tradunt, proximè accessit ad similitudinem litteræ Græcorum, imò & Hebræorum veterum Tau, aut Latinorum T. cui si apponatur titulus, speciem CRVCIS Patriarchalis exprimit cum quattuor brachijs, seu terminis & finibus.

De qua autem arbore lignum CRVCIS in qua CHRISTVS pendit, fuerit desumptum, cùm nihil certi constet, haud operè pretium, varias opiniones, quarum nonnullæ commentis similes sunt, huic compendio inserere: qua de re vtiliter legetur R. P. Iacobus Gretserus lib. 1. de S. Cruce cap. 4. 5. & 6. Theodulphus & S. Mater Ecclesia in laudibus, quibus S. Crucem exornat, vocat *arborem decoram & fulgidam*, qui decor etiam in ista exigua particula se exerit, quæ in argentea inaurata capsâ paulò latiore & longiore, quam sit ipsa, custoditur, quam ante 224. annos donauit D. Laurentius Soarez de Figueroa supremus Ordinis S. Iacobi Magister. Eadem autem theca includitur alia eburnea, & utraq[ue] simul asseruatur in sacrario eiusdem altaris, quod triplici sera obseratur, & communitur. Eius color est quasi cinnamomi splendescens, lignum autem solidissimum à carieque omni & teredine illæsum. CRVX ipsa laminis aureis per omnes angulos artificio summo elaboratis ambitur, & vt circumgestetur commodiūs, ferculo aureo, fenestellis è crystallo pellucente per gyrum insertis sustinetur. In facello fouentur perpetuò lampades aliquot accensæ. Testudo eius supernè pergulâ ambitur, in qua patent quaternæ fenestræ ad totidem mundi plagas, in quibus sanctissima CRVX exponitur, cùm tempestas periculosa timetur.

In muro è regione altaris, in quo tabulæ pictæ loco rotundam fenestram esse demonstrauimus, conspicuntur duo sacerdotes Mauri, quos illi Alfaquies appellant, alijque viri graues adstant regi Baptismum suscipienti, quem illi confert sacerdos quidam Christianus, qui, vt ex faciei lineamentis coniicitur, idem ille est, qui captiuus postea sacro operatus fuerat.

Ad

Ad pedem baptisterij genibus humi defixis manibusq; c ompli-  
catis apparet quædam regina vultu ad hilaritatem comp osito  
& pietatem spirante, in vestitu valdè magnifico, in cuius sim bria  
hi quattuor & triginta characteres inscripti.

**M N Q P Z B E B L Q S T E V E N  
C E F I Q S Q T Q M Y D E S E C .**

Eorum hæc interpretatio: Ego regina Hayla, nunc Helena,  
vxor regis Abuzeit, & duo filij mei, conuersi fuimus per gratiam  
DEI, ad fidem sanctam, cuius memorie causa sum hic depicta.

Quando hæc Regina ad Religionem Catholicam animum  
adiecerit, & Baptismum impetrârit, nemini haçenus fuit explo-  
ratum, donec diuino nutu ex istis characteribus tempus patefa-  
ctum est. De filiis plura inferiùs.

## CAPVT IX.

**R E X Z E I T - A B V Z E I T M A G N A S P A T I -**  
*tur persecutio[n]es à subditis, quem Christianis sacris ini-  
tiatum sufficantur.*

**R**EX Zeit-Abuzeit, pro insigni, qua pollebat, sapientia, & in-  
nata iudicij acrimonia prudenter agnouit quantum benefi-  
cium sibi à DEO Opt. Max. esset collatum, quo auspice, post Maho-  
metanæ falsitatis tenebras lucem Christianæ veritatis aspexit. Ita-  
que cogitauit largitori tam singularis doni gratum aliquod præ-  
stare officium. Et quia inaudiuit placere ante omnia obedientiam,  
decreuit eam C H R I S T I in terris Vicario deferre per certos ho-  
mines, quos Roman⁹ ideo ablegauit, vt Pontifici mentem suam  
aperirent, & obsequelam suo nomine sponderent. Non potuit  
occultari legatio, sed sagaciter à subditis omnia rimantibus fuit  
deprehensa. Quapropter ipsi, vt Episcopus Burgensis fatetur, qui  
generalem Castellæ historiam condidit, regem designarunt v-

E num